

تورک یوردی

تورک اوڤاقلاری مرکز هبیتتی طرفندره نشر اولونور

جلد ۴

تشرین اول ۱۹۲۶

نومرو ۲۲

حرث هیئتی اجتماعی

حرث هیئتی ۱۴ تشرین اول ۱۹۲۶ تاریخنه مصادف پنجشنبه کونی کاتب عمومی ساع رفعت بک ریاستی آلتنده طویلانشدر .

ساع رفعت بک (ملی آرما ناصل اولمیدر ؟) عنوانیه یازدینی مخطره یی او قودی ، بونک حرث هیئتی حسابنه اوله رق باصدیرلسی تصویب ایدلدی .

۱۱ تشرین اول ۱۹۲۶ تاریخیه مرکز هیئتندن حرث هیئتی کاتب عمومی لکنه کوندریلن و حرث هیئتک داخل ایشلرینه تعلق ایدن مکتوب او قوندی . بو مکتوبده موضوع بحث ماده لر اوزرینه مذاکره جریان ایتدکن صوکره حرث هیئتک نقطه نظرینک مرکز هیئتنه بیلدیرلسی قرارلشدیرلدی .

اوجاقلیره مخصوص علامت فارقه (اوران) نمونه سی اوله رق رسامه یاپدیریلوب جلال ساه بک طرفندن تودیع ایدیلن اورنکرتدقیق ایدلدی ، هیچ بری مطلوبه موافق بولمیدیغندن دیگر صنعتکارلره مراجعت ایدلسی قرارلشدیرلدی .

تورک رساملرندن بعضیلری اوجاقده رسم درسلی تاسیسی ایچون حرث هیئتک دلالتنه مراجعت ایتلردی . جریان ایدن مذاکره نتیجه سنده اوجاقلرده یالکز بدیعیاته دائر قونفرانس لر ویرلمسند فائده کورلشدیر . ذکی ولیدی بک حروفات مسئله سی حقنده یازدینی اثری تودیع ایتیش و بونک طبع ونشرینه قرار ویرلشدیر .

احمد حکمت بک لسانی تدقیقلری حاوی رساله سی باصدیریله جنی کبی کوپرلی زاده فؤاد بک « آناطولیده تورک مدنیتی » عنوانلی اثری ده نشر ایدیله جکدر .

§ تورک اوجاقلری حرث هیئتی ۲۶ تشرین اول ۱۹۲۶ تاریخنه مصادف صالی کونی تورک اوجاغلنده رئیس محمد امین بک ریاستی آلتنده طویلانشدر .

اوجاقلیره مخصوص علامت فارقه (اوران) اورنکنک برآن اول یاپدیرلسی ایجاب ایتدیکنی ساع رفعت بک خاطرلاندی . شمدی یه قدر بوراده وجوده کتیریلن موده لر مطلوبه موافق ایتدیکی کبی کوندریله جک دیگر اورنکارکده موافق ظهور ایتسی مأمول اولمیدیغندن اورنکک آوروپاده یاپدیرلسی تقرر ایتدی . بو موده لک آلمانیا ده اختصاص صاحب لرینه یاپدیرلسی تنیس سنی حاوی اوله رق قدملی و محترم بر اوجاقلی اولان برلین بویوک ایلچیسسی کمال الدین سامی پاشایه کافی ایضاحاتی حاوی بر مکتوب کوندریله جکدر .

تورک اوجاقلری یاساسنده کی عربی و فارسی تعبیرلرک یرینه تورکجه تعبیرلر قونلسی ایچون ولد چلی افندی ایله نجیب عاصم و ذکی ولیدی بکله مراجعت ایدلسی موافق کورلدی .

آوروپاده لسانیات ، عتیقیات و تورکیات ایله متوغل جمعیتلره تاسیس مناسبت ایدلسی قرارلشدیرلدی . شمدیلک فنلاند کی مرکزنده کی فینور او یغوریه ن جمعیتی ، آلمانیا ده هال شهرنده آلمان شرق جمعیتی ، لوندرده « کیپ » مؤسسه سی ایله مخابره یه کیریشیله جکدر .

یساری زاده محمود اسعد بک طرفندن حرث هیئتته تودیع ایدیلن ایکی تیاترو پیسی تدقیق ایدلک اوزره جلال ساهر بکه تودیع اولمیشدی . جلال ساهر بک موافق بره مطالعه درمیان ایتدیکنندن هیئت، بونلرک اوجاقلرده تمثیل ایدلک اوزره ساتون آلمسینه قرار ویردی . نجیب عاصم بکک لسانیاته داثر اولان اثری حرث هیئتی نشریاتی آره سنده باصدیریله جقدر . فلاسیک تورک موسیقیسی قوللکسیوننک باصدیریلسی ایچون بونک صاحبی موسیقی شناس علی رفعت بکه کوروشلمسی تنسیب ایدلشدر .

استانبولده ضیا کوك آب کونی

۲۵ تشرین اول ۱۹۲۶ ... غلی ، یاش ، صیقینتیلی براوکلدهن صوگرا .. آقشاهه برایکی ساعت وار . یاغمور قورقوسندن یوللرده ، هنوز یرلرینه ایریشه مه مش بر ایکی کیشیدن باشقا ، کیمسه جکلر قالماش . دیرکن دیوان یولنده یوزلرجه کیشیلک بر قافله کنیش جاده بی دولدورارق آغیر آغیر ایلرله یور . قافله بی وجوده کتیرنلر مملکتک منور کتله سی ... قیز وارکک هپسی کنج . . یوزلرده دهرین برسکون ووقار .. هپسی عینی حسایت ایچنده برلشمش .. قافله نلک تنفس ایتدیکی هوادن قیلرله بر عبادت خشوعی نفوذ ایدیور . اکاوکده کنج قیز اللرنده چلنکلر وار . منورلر کتله سی بوقارا ، یاغمورلو ، صیقینتیلی کونده بر عبادت خشوعی یاراته رق نره یه کیدیور ؟ عشق چاغنده بولونان بو دلیقانلیلر ، بوکنج قیزلر متین آدیملرله بویله آغیر آغیر هانکی جاذبه یه دوغرو یوروورلر ؟ یاغمور چیه له یور .. اونلر فرقنده دکل .. یاغمور کیمسه بی مشغول ایتیه یور . بللی که اونلریاغمور هواسی ایچندن سوزولملر ، چیقملر .. باشقا برهوا ایچنده بریره دوغرو یوروورلر . زنکینلرک ، اکابره عائد جنازه مراسمنده ، دوکون مراسمنده اولدینی کی بو کیدیشک صوکننده لقمه می وار ؟ احسانمی وار ؟ موقعی وار ؟ اونلری بوکوتو کونده بویله بریره دوغرو چکن دنیا یه ، ماده مزه عائد بر منفعت اندیشه سیمی ؟

بوکنج قافله سی هر قاریشی ، دیوارلری بیاض مرمردن بر پادشاه تر به سندن کیریورلر . پادشاهه یاپیلان مرمر دیوارلره ، مرمر ایشله مه لره باقان بیله یوقدر « اشراف » ، « ارکان » ، « اعظم » مرارلرینک یارا قوتیله وجوده کلش سوسلو ، اعتنالی احتشامی یانندن کیریورلر . بومزارلر سوسلومیدر ؟ مزارلرده یاتانلرک اوستونده بیک تورلو اهتماملرله وجوده کتیریلش سوسلو مرمر ییغینلری وار ؟ یوقسه بومرمر ییغینلری یرینه قارا طاشمی ، چالیلقی ، دیکنلکمی وار ؟ کیمسه نلک کوزی بونلری کورمه یور . بونلری دوشوغه یور . بوتون بو احتشام وعظمت کنجکلرک کوزارینی اولسون تنبیه ایده جک ، کندیلرینه چورته جک اهمیتده دکل . نهایت آدسز ، طاشسز بر مزارک باشنه کلیورلر . اوراده باشقا قولدن کلشینه اللرنده چلنکلر بولونان قادینی ارککای دیکر برکنجکلک قافله سی ایله برله شیورلر . چلنکلرینی او آدسز